

Na osnovu člana 5. stav 1. tačka b) Odluke o postupku i uslovima za dodjelu jednokratne novčane pomoći općinama Tuzlanskog kantona za otklanjanje šteta nastalih od prirodnih i drugih nesreća ("Službene novine Tuzlanskog kantona", broj 6/12, 2/21 i 12/24), na prijedlog Kantonalne komisije za procjenu šteta od prirodnih i drugih nesreća, Kantonalni štab civilne zaštite TK na sjednici održanoj 11.2.2025. godine, d o n o s i

ODLUKU

o dodjeli jednokratne novčane pomoći općini Doboj Istok za otklanjanje posljedica nastalih djelovanjem prirodne nesreće izazvane gradom i kišom u 2024. godini

I

Općini Doboj Istok dodjeljuje se jednokratna novčana pomoć za otklanjanje posljedica nastalih djelovanjem prirodne nesreće izazvane gradom i kišom u 2024. godini u iznosu od 292.219,20 KM za sanaciju stambenih objekata (sanacija krovnog pokrivača) za koje su izdata odobrenja za građenje ili naknadna odobrenja za građenje u postupku legalizacije.

II

Dodijeljena novčana sredstva iz tačke I ove Odluke će biti uplaćena na Račun javnih prihoda općine Doboj Istok broj: 132-280-030-923-0874, otvoren kod NLB banke, vrsta prihoda 742 114, šifra općine 128, a zatim na posebne transakcijske račune za zaštitu i spašavanje. Dodijeljena novčana sredstva se mogu koristiti isključivo za odobrenu namjenu.

III

Sredstva iz tačke I ove Odluke utvrđena su u Budžetu Tuzlanskog kantona za 2025. godinu, na poziciji budžetske organizacije 26010001, potrošačka jedinica 26010002 (Posebna naknada za zaštitu od prirodnih i drugih nesreća), prikupljena a neutrošena sredstva iz prethodnih godina na ime namjenskih prihoda Kantonalne uprave civilne zaštite (PRIHOPS) i planirana Planom korištenja sredstava posebne naknade za zaštitu od prirodnih i drugih nesreća u 2025. godini, na kontu 615100 – Kapitalni transferi drugim nivoima vlasti i fondovima

IV

Zadužuje se Općina Doboj Istok da najkasnije u roku od 12 mjeseci od dana uplate sredstava jednokratne novčane pomoći dostavi Kantonalnom štabu civilne zaštite pisani izvještaj i prateću dokumentaciju o utrošku dodijeljenih sredstava (odluke, ugovori, zapisnici, računi, nalozi za plaćanje, dokazi o posjedovanju odobrenja za građenje/naknadnog odobrenja za građenje u postupku legalizacije, upotrebne dozvole ili drugi dokazi kojim se dokazuje da su stambeni objekti za čiju sanaciju su dodijeljena sredstva izgrađeni u skladu sa propisima iz oblasti prostornog uređenja i građenja, te druge dokaze o namjenskom utrošku dodijeljenih sredstava), u skladu sa odredbama Odluke o postupku i uslovima za dodjelu jednokratne novčane pomoći općinama Tuzlanskog kantona, za otklanjanje šteta nastalih od prirodnih i drugih nesreća („Službene novine TK“ broj 6/12, 2/21 i 12/24).

Izvještaj mora biti potpisan od strane rukovodioca službe civilne zaštite i ovjeren od strane općinskog načelnika.

V

Za realizaciju ove Odluke zadužuje se Ministarstvo finansija Tuzlanskog kantona, Kantonalna uprava civilne zaštite i Općina Doboj Istok.

VI

Ovom Odlukom stavlja se van snage Odluka Kantonalnog štaba civilne zaštite broj: 02/24-11-036487-1/24 od 24.12.2024. godine.

VII

Ova Odluka stupa na snagu danom davanja saglasnosti Vlade Tuzlanskog kantona.

BOSNA I HERCEGOVINA
Federacija Bosne i Hercegovine
TUZLANSKI KANTON
Kantonalni štab civilne zaštite
Broj: 02/24-11-003064-4/25
Tuzla, 11.2.2025. godine

